

乾隆杭州府志

杭州府志卷七十九

名宦六

國朝

張存仁號完真鑲藍旗人順治二年隨大軍定浙江授巡撫擢總督先是鎮江敗卒竄走浙濱南屏白塢居民多被刦掠城中率走避村落存仁至傳集薦紳士民撫諭安定之方國安據險立柵江中存仁與戰於五雲山白塢嶺累勝之乘勢逐北國安東走明年三月存仁集鰲臚於江中肄習水戰六月從七條沙渡江江東遂定後兼轄福建調直隸山東河南總督贈太子太保諡忠勤

浙江通志

趙廷臣字君鄰奉天人康熙元年以兵部右侍郎總督浙江寬和端靜不爲赫赫名而人自率服聞度支不足廷臣以二十四監久停疏請鼓鑄得報許諸監復鑄泉源貫輸不絕時海濱尚多餘孽聞廷臣寬大解甲來歸七年抵閩甫數月偕大臣巡海從福寧入寧波卒於途累加太子少保兵部尚書謚清獻

浙江通志

李之芳字鄴園山東武定州人順治丁亥進士任金華推官浙省向苦解茶蠟之芳請兌折色又輯賦役全書縷晰條分瞭如指掌迄今奉爲準則十五年以巡鹽御史蒞浙洞悉鹽政利弊凡不便于商竈者悉除之

浙江通志

康熙十二

年以兵部侍郎總督浙江十三年三月耿精忠反窺仙霞嶺之芳馳赴衢州挫其鋒時浙東山賊蜂起遙應精忠之芳檄諸路將士分守要害次第討平之踰年浙東底定事聞進兵部尚書疏請蠲恤十六年以前額賦貧民陷賊來歸者悉爲區畫衣廩又設糜於通衢賑往來饑民一百二十萬有奇流移者盡復故土論功授拖沙喇哈番二十一年秋還杭州入爲兵部尚書三十三年進文華殿大學士兼吏部尚書卒諡文襄

張玉書李
文襄墓志

李衛字又玠徐州豐縣人以監生援例爲員外郎遷郎中

雍正初任雲南鹽驛道許奏事旋擢浙江巡撫未幾以總

督管巡撫事加太子太保兼理鹽政漕運節制江南浙江
巡撫之兼鹽漕自衛始衛性機警多設耳目遇事敢爲而
才足以濟之沿海多竊發捕治之晷盡道路爲清首嚴米
穀出洋之禁俾內地足食兼濟八閩千艘銜尾如行門戶
港汊之間浙東七府惟溫台以東有入海水道其餘溪澗
之水並入錢江浙西三郡悉由太湖出海乃導海口及支
河小港俱使深濬農家得備車戽行旅便之尤加意海塘
往來相度奏請數百萬帑金改建大石塘一百餘里請修
浙江通志又修鹽法志皆有成書調直隸總督卒諡敏達

乾隆四年奉

旨崇祀名宦祠

名宦
冊

佟國器奉天入任浙江按察使時兩浙初定叛獄繁多平情讞鞫釋枉矜疑全活無算後陞江西巡撫復調任浙江熟悉瀕海情形抵任卽招降僞都督廖明旗勦滅海逆阮六等海疆寧謐浙民賴之

浙江
通志

蕭起元字復初奉天錦州人順治三年由常州知府陞僉都御史巡撫浙江時江南初定起元一意撫綏與民休息八旗官兵鎮守省城軍民雜處

詔禮工二部擇建駐防營起元定于城西一隅築城以居由是旗

民判不相擾

浙江
通志

朱昌祚字雲門滿洲籍山東高唐人順治十八年以工部侍郎巡撫浙江清廉沉毅爲政務持大體時浙中寇盜未息設方畧平之且導以歸順之利黨羽解散適裁撤巡方重案悉歸巡撫牽連逮繫者數千人昌祚數月間完結矜全省釋不可勝計陞直隸山東河南三省總督兵部尚書

謚勤愍

浙江通志

范承謨字覲公奉天遼陽州人順治壬辰進士康熙八年由翰林歷遷都察院副都御史巡撫浙江清廉寡欲人不敢于私杭嘉諸郡三載游饑民幾聚萑苻爲盜承謨借庫銀遣官出糴平價散市最貧者得附老小例有鹽給朝

久駐防逃人牽連誣害承謨疏請分別新舊另定處分民
始安堵遷福建總督士民號泣擁車不得行乃乘深夜單
騎啟關以去至閩會耿精忠謀逆未發承謨欲出海嶠簡
鎮兵以制之未及行精忠請議事至則露刃脅降承謨罵
不屈拘之幽室械繫二年後

王師破仙霞賊計窮欲殺之以滅口承謨從容就義一時同死
者自幕友嵇永仁等下及隸卒凡五十三人事

聞贈太子少保兵部尚書謚忠貞子時崇浙閩總督陞都察

院左都御史

浙江通志

田逢吉山西人順治乙未進士巡撫浙江時雲南叛逆軍

布外府志
卷之二十一
興旁午籌餉調兵動合機宜訓練將士嚴行保甲荏苒絕
跡計典黜陟賢否悉愜輿情潔已自矢凡耗羨餽獻盡皆
屏絕暇則與諸生講學論文多所造就

浙江通志

王國安奉天蓋州人康熙二十一年授浙江巡撫整飭漕
務清理權稅革鹽政之陋規建河道之隄閘訓兵息民具
有條制杭城兵民雜處營債素爲重累國安捐俸代償焚
券息爭民間焚香頂祝陞浙閩總督晉兵部左侍郎

浙江通志

趙士麟字玉峰雲南河陽人進士康熙二十三年以副都
御史巡撫浙江蒞任初民爲營債所苦釀成大獄士麟移
咨將軍掣繳票約捐資代償豪右多倚奸吏驕悍不法廉

得其狀悉置之法強暴斂跡省城內河淤塞幾百年士麟下令治河半載訖工水道疏通舟楫利便以次繕治城隍修葺學校凡講學興賢重農務本諸政無不具舉而陋例亦革除殆盡未幾移撫江蘇兵民於西湖敬一書院像祀之官至吏部左侍郎

浙江通志

張鵬翮字運青遂寧人順治庚戌進士康熙二十八年以僉都御史巡撫浙江屏絕各官餽遺革除一切陋例子吏治精密謹嚴事無巨細親爲裁決用法公而不私寬厚有斷情理旣得則始終持之確如也嘗曰理政之道以教化爲先雖政事殷繁而宣講

聖諭及課督士子必躬親訓迪膏築書院于萬松嶺廩餼諸生極厚而自奉則蔬食菜羹而已鵬翮泄浙六載兵民相安地方寧謐陞兵部右侍郎行李蕭然官至文華殿大學士諡

文端

浙江通志

趙申喬字松伍江南武進人康熙庚戌進士以刑部員外郎里居辛巳春授浙江布政使受事三日首革南糧布袋之弊他若加平餽獻兵餉挂發一切禁止時屆編審下令均山陰坊鄉田畝以絕差徭偏枯寧波黠民倡照地派丁之說與巨室相持申喬草片檄諭之無敢譁者藩庫舊有貼解費在任積二千金有奇將受代封識以付新司武進

距杭甚邇家人來輒載米數十斛以給饗殮未踰年陞浙
江巡撫自藩遷署器什惟襍破一肩書數簾而已錢塘江
逼近杭城潮汐晝夜拍岸者再舊塘傾圯申喬躬親相度
地當衝輳者易土以石鎔鐵貫其中築子塘護焉嘗諭吏
胥曰吾無幕客案牘皆手理汝曹若相欺能保一事不敗
乎對曰如公者尚相欺天良何在非惟不敢亦不忍也是
年大比請增額視江南旋奉

命往湖南會審鎮筸紅苗改偏沅巡撫歷官戶部尚書謚恭毅雍
正元年加贈太子太保十年奉

旨建賢良祠入祠致祭

浙江通志

張泰交字公孚山西陽城人康熙壬戌進士四十二年以
兵部右侍郎巡撫浙江

聖祖仁皇帝南巡

御賜推誠遇人扁額居官清正仁恕表率羣僚尤留意兵民重務
每逢大閱躬詣羅木營整飭隊伍訓練官兵繕甲冑修器
械而尺籍隱冒之弊以除浙省濱海玉環東洛南麂諸山
賊艘所出入也編保甲謹斥堠俾絕盜源修江塘易土以
石立廟鎮之運使高熊徵開書院于紫陽別墅泰交親至
督課與諸生講論經史大義并倡行鄉約於朔日宣講

上諭士民翕然向風乙酉以疾請告

特遣中書存問卒於官浙人肖像祠於孤山

浙江通志

朱軾字可亭高安人任浙江巡撫時以杭人習俗奢靡務示節儉定民間婚禮不得用金珠綵帛之屬喪禮不得用鼓樂尤嚴禁停喪凡湖濱權厝之柩盡令深葬金華衢州兩郡有生女卽溺者軾至則嚴禁之俗以丕變杭郡多火災軾聞卽往救不俟駕也兩陽偶愆祈禱必謹處已儉約有脫粟布被之風言行悉以先儒爲法公暇則手一編矻矻如儒生

公舉事實

莊有恭字容可號滋圃廣東番禺人乾隆己未進士第一人及第兩任浙江巡撫辦理災賑務盡民隱無遺無監居

官靜鎮吏民安之于海塘尤加意洞悉擇築之法務期完固潮不爲患嘗因湖州府知府李堂請開瀕湖七十二澮以疏導水利丁未竟適調任江蘇甫蒞任卽奏濬松江下流導太湖之水入海而杭嘉湖並受其利有恭撫江蘇奉命兼理浙江海塘及再蒞浙江而塘務修整無利不興矣公舉事實

王顯字純伯直隸曲周人前丁丑進士順治二年任兩浙巡鹽御史時

國朝立法創始顯首請禁私販以通商定經制以起課

特旨允行又疏陳鹽政要務在招商恤竈二事前朝已掣鹽斤分散各府州縣概以私鹽繩之則商本虧而不來槩以引鹽

寬之則國課缺而非法惟見鹽計引按引徵稅既不虧商又不缺課而商可漸次招徠竈戶水鄉草蕩或被勢豪侵佔或苦課稅重疊逐一清查蠲減而竈可次第復業申明掣驗之規分別統毀之法規制井然具有條理皆見施行

浙江通志

顧如華字西巖湖廣漢川人順治進士康熙二年以御史巡鹽兩浙時商竈交困疲商貲債納課如華行已潔清一切鹽鹺陋規皆釐革焉及代囊橐蕭然

浙江通志

成其範字愚崑山東樂安人順治進士康熙十九年以御史巡鹽兩浙斥奸蠹用老成禁加派疏墾引商竈兩利每

於政事閒暇集諸生考論文藝恒舉魏劉獻之之言曰四
科以德行為首若能入孝出悌忠信仁讓不待出戶天下
自知倘不能然雖下帷針股躡屨從師止可博聞多識於
立身之道有何益乎內陞京卿歷官兵部右侍郎

浙江
通志

杜果字登聖江西新建人順治進士巡按兩浙時浙東雖
平而吏胥貪黷之風未絕果入境先去其太甚者嘗謂人
曰古者以法治吏教而後誅朝為豺狼夕遷改焉則為麟
驚其行事剛正而不暴如此

浙江
通志

查木楊滿洲人康熙三十三年鎮守浙江將軍約束八旗
兵丁不得生事擾民旗廝牧馬禁殘傷禾稼踐踏墳塋軍

脾不時巡緝不許權重利以侵小民又屏去鼠竊毋滋民

害卒于官士民建祠西湖謚敏恪

浙江通志

顏光敏字學山山東曲阜人復聖裔康熙戊辰進士由庶常授翰林院檢討三十三年督學浙江社交遊絕請托異時提調官薦儒童一二人自光敏蒞任無敢以私干者丙夜衡文搜羅寒畯不遺餘力杭郡代倩特甚取歲進新生扁戶另題覆試得文理荒謬與原卷迥異者黜之并黜代倩保結之人所刻試牘風行海內垂三十餘年士林誦習不異於初試竣入都行李惟圖書敝簾而已既祀名宦浙江士復念之不已專祀西湖春秋致祭

浙江通志

姜櫛字仲端保德州人康熙乙丑進士以鴻臚寺少卿提督浙江學政文取清真一變膚臆浮詭之習間不足額則訪錄前代忠孝理學之裔以補之有薦于朝者曰姜櫛一錢不取一情不聽蓋公論也四十二年

聖祖仁皇帝南巡

御書熙靜二字以賜之歷陞吏部右侍郎卒馳驛歸葬

恩賜褒卹

浙江通志

彭始博字直上河南鄧州人康熙戊辰進士選庶吉士授檢討改御史旋復入翰林四十五年提督浙江學政衡文一本經史老成績學操券而售丙夜一燈呻吟弗輟未嘗

就枕惟隱几交睫而已逾年鬚髮盡白嘗曰庠序至肅名器至重墨者儒者癖者情者衡文之賊也人以爲名言

聖祖仁皇帝南巡

御書公明盡職四字賜之任滿還朝歸舟莫辦附糧艘至京擢內

閣學士兼禮部侍郎假歸卒浙士思之建祠西湖曰南陽

書院

浙江通志

何世璠字坦園山東新城人康熙己丑進士庶吉士授檢討改御史雍正元年督學浙江夤緣請托俱不得行弊竇剔除殆盡而不以苛刻爲明整飭士習每與諸生講誠意無欺之學學租悉以散給貧生無毫髮染指試未竣轉兩

淮鹽運使擢貴州巡撫以吏部右侍郎署直隸總督卒于

官贈禮部尚書諡端簡

浙江通志

王蘭生字坦齋直隸交河人康熙辛丑進士雍正四年以國子監司業督學浙江五年擢翰林院侍講七年轉侍讀蘭生清介絕俗苞苴干謁不戒自遠愛士如子弟頒示經訓使諸生知所誦法凡奇才孤學通知陰陽歷術者必提携獎成之好古者莫不願出門下久而誦說不衰七年調

安徽學政終刑部右侍郎

道古堂集

鄧鍾岳字東長山東聊城人康熙辛丑第一人及第雍正十三年以通政司參議督學浙江性寬和與諸生論文終

日躔躔不倦選拔貢生尤尙實行有年老而績學者皆充貢曰無取速化也乾隆六年受代去終吏部侍郎

公舉事實

雷鉉字貫一號翠庭福建寧化人雍正癸丑進士入翰林歷副都御史乾隆庚午甲戌兩視浙學持公守正一以經訓取士學者翕然嚮風老宿名儒雖屬布衣亦必造訪著校士偶存皆與諸生論學之語也歲乙亥歲歉鉉具狀以聞得

旨賑卹民賴以安丙子夏以母老乞歸

彭啟豐撰墓碑

錢維城字宗磐號茶山江蘇武進人乾隆乙丑第一人及第壬午秋以刑部左侍郎視學浙江黜浮靡重根柢尤以

立行爲先乙酉例當選貢有學行優而貌寢者或疑之維
城曰取士豈以貌耶卒以應選其他經獎拔者亦多掇巍
科丙戌還

朝壬辰以父艱歸卒於家有

旨褒卹加贈尙書諡文敏杭人卽西湖祀之

家傳

張儒秀號英震奉天人順治九年任浙江左布政使公明
威斷其尤著者則有開銷軍儲移解馬價二事軍儲者明
季徵以給軍者也

國朝裁軍爲民用皆隸於有司部咨按籍全督儒秀力請具陳
析官用民欠軍費名目而軍儲之賠累一清馬價者舊例

驛遞差使南馬協濟歲徵幾數十萬中飽難稽儒秀請解部部定其值凡諸省馬價在本處地丁錢糧內開支由是積弊始豁時患私鑄盛行儒秀以爲錢本輕則私鑄多官錢壅乃請重其制又西湖兩堤各插水簾以漁利或巧借官佃以爲名儒秀盡去其水簾杖懲之僅數月遷去杭民

思之

浙江通志

袁一相字輔宸奉天人順治十七年任浙江左布政使州縣吏與司掾暱凡起運錢糧解多投少而印批不以時發迨發覺州縣並罹叅罰一相倡爲循環法每遇起解連前數彙書於批令一覽瞭然而侵蝕之弊遂絕南米歲入廣

豐諸倉而厥少不足貯常露積以竹葦覆之多紅腐不可食一相捐俸創建六十餘所司掾請勒其事於石一相曰此藩臣職耳不足錄也後卒于官

浙江通志

石琳字瑯公滿洲人康熙六年任兩浙都轉運鹽使杜絕陋規恤商惠竈二十年遷浙江布政使先是耿精忠之亂衢州被兵尤甚戶口逃亡者多里甲以賠累丁糧爲苦琳查實詳免之通省軍需浩繁積逋未完琳才猷肆應凡軍供未給應補應銷者悉爲釐清藩司衙署陋例革除殆盡常云革民間一分火耗便可完一分正供以是嚴檄各屬統除耗贈凡州縣起解錢糧司庫隨到收兌俾無守候之

勞嚴禁南米重價折徵給放時以官斛爲準兵民兩便歷

任兩廣總督

浙江通志

蔣毓英奉天蓋州人官生任浙江布政使浙省見買米平

糶勸諭郡縣倡捐散賑加給育嬰堂口糧民咸頌德

浙江通志

段志熙字百惟河南濟源人康熙五十二年任浙江布政

使藩庫相沿陋規悉裁去之收發賦餉躬親驗兌吏胥不

得上下其手間遇水旱輒多方賑恤務獲安全杭城地居

省會民廬稠密向多火災形家言北關拱宸橋圯水不制

火志熙卽捐俸倡修歷五載訖工城內大小諸河自巡撫

趙士麟疏濬後歲久復淤志熙力爲開濬計工授食民不

勞而事集海寧海塘數爲風潮衝激汕刷大爲民病志熙
親詣海埂因事擘畫督修海晏河清民安物阜八字號塘
三千七百餘丈尤加意學校時巡撫朱軾重建敷文書院
集諸生肄業遠邇向風至者日衆歲費廩餼千金志熙力
任其事捐俸資給士風振起

浙江通志

王師號莪園山西平水人雍正癸丑進士乾隆十四年任
浙江布政使兩閱月鞠採生大獄雪牽引者數十人居官
廉平遇事敢言以耿介自持十五年陞江蘇巡撫

家傳

孫含中字西林山東昌邑人乾隆癸未進士選庶吉士改
部郎出爲寧紹台道洊歷西安按察使丁酉陞浙江布政使

性勤敏省治文書輒至丙夜嘗曰遇事當持以和平勿尚
意氣若夫名義所在利病所關當官而行復何顧忌哉戊
戌夏相視西湖水利病暍卒小民有至泣下者

公舉事實

熊維傑號奇字奉天鐵嶺人順治八年爲浙江按察使爲
政簡而周剛方而不劇杭城兵民雜處常多訐訟望見旌
節謹呼曰熊公來事當白矣維傑平情斷決俾兵民兩服
而去省城近大江凡商貨乘潮而下艤舟卽亟呼傭負稍
遲則爲洪濤所撼傭負者故遲應以索高值維傑嚴禁紆

遂息

浙江通志

郭之培字生洲直隸任邱人丙戌進士康熙十二年任浙

江按察使吏抱牘於前之培次第批答悉中其隱吏驚以爲神事畢退署默然靜坐門下士餽書及詩箋者悉謝却之以病卒官

浙江通志

楊宗仁字天爵蒲洲人康熙五十三年任浙江按察使清節自持有冷面寒鐵之概遇命盜大獄審察至再然後定讞獄無冤濫而豪強巨猾廉訪得實痛懲禁斃未嘗少縱於有司詞訟嚴禁濫差悉令自拘民無擾累浙風俗浮靡力崇節儉婚喪務遵典禮五十四年丁艱歸歷廣東巡撫湖廣總督

浙江通志

方觀字觀文江都籍歙縣人康熙己丑進士由庶吉士授

編修累遷戶科給事中雍正六年擢浙江按察使嘗謂盜之不弭吏爲之市也嚴地方抑勒諱匿之禁絕捕役豢養尅贓之弊設窩藏科別懲創之條盜遂衰止辨色而起夜秉燭治官書每案牘紛拏符檄填委目覽手咎咄嗟立辦老吏無所竄其手遷陝西西安布政使扶病就道至六合卒于途贈太常寺卿

浙江通志

梁鳳鳴奉天人康熙元年任浙江糧儲道漕項本折錢糧積逋甚多力請具題蠲免以蘇民困僉點運弁不徇情面糧艘得依限抵通至徵收漕米禁苛取絕餽遺官民德之

浙江通志

劉昌臣字公弼湖廣武陵人順治進士康熙十一年任浙江糧儲道除革一切輸運旗丁姦弊耿精忠叛大兵駐衛進勦昌臣攝布政司篆夙夜措畫轉餉不絕復署按察司不猛不寬讞獄務得其情以勞瘁卒官士民巷哭

浙江通志

朱倫瀚字涵齋正白旗漢軍工詩善繪事或以指頭點染宛同毫穎由武進士改授御史供奉

內廷蓋異數也官浙江糧道時多惠政于漕務陋規釐剔必盡杭人德之

家傳

李月桂字含馨奉天人康熙十二年任兩浙都轉鹽運使浙鹽有二弊一曰山窩一曰水口秤手紹興路通金衢處

三府山窩多在諸暨無山窩則三府私販路絕嘉湖以東水口多有秤手預期以待奸販至卽爲分市月桂盡知其弊密察而嚴革之正引以行

浙江通志

卽廷樞字紫衡奉夫人康熙三十一年任浙江都轉運鹽使恤竈惠商善政頻舉大計特薦四十一年任浙江布政使北關監督時議慮商民間道逾越疏請移務增稅廷極議曰北新杭關也豈可遠赴湖紹稽徵苟能輕耗省費驗放以時商旅孰肯舍近逸就勞遠哉督撫允議疏入報可壬午提調鄉閭增設號舍士咸德之陞江西巡撫歷漕運

總督謚溫勤

浙江通志

高熊徵字渭南岑溪人康熙四十年任浙江都轉運鹽使
官商陋例概行革除一切公費自爲捐解于正課外不派
分毫前官存引幾八萬熊徵設法疏銷悉清逋欠通商恤
竈轉輸自足尤好扶植士類捐建紫陽別墅督課諸生振
興文教兩署按察司篆稱平允卒官蕭然旅櫬商民有嘆

息泣下者

浙江通志

李兆乾陝西階州人順治十四年以叅政分守杭嘉湖道
太湖連接蘇常素稱盜藪官兵捕則遁去退則剽掠居民
兆乾設立水棚簡練兵卒隄防要害躬率屬員設伏搜捕

盜賊駭散三府以安

浙江通志

張膽徐州人順治二年以副將劄付隨征任浙江督標中
軍副將討平朱橋范村餘孽方國安王之仁等據江東列
營砦時渡江來犯膽于五雲山奮勇克捷沉其舟斬首三
千餘級生擒僞署副將遊擊守備等官及士卒五百六十
人國安等旋即潰散浙江總督張存仁叙功特薦

浙江通志

顧明彪字虎文府學諸生世居城北小霍山順治二年夏
王師南下潞藩在杭州時方國安馬士英率兵至有創爲監國
之議者潞藩不可命收圖籍奉表如軍前請降命明彪前
行迎 貝勒于嘉禾 貝勒嘉其歸誠卽署明彪杭州知
府會江東抗命城中乏食明彪言于王請通商賈民賴以

安視事凡四月而罷後總督征福建檄明彪從軍大兵定
建寧屬明彪城守山賊乘間竊發孤城無援明彪力戰負
重創死丁亥七月三日也當

定鼎之初以明彪能悉土風民俗授以郡守

國家可謂用得其人而明彪終以王事死亦可謂不負

國恩矣

錢塘縣志

嚴正矩字方公孝感人崇正癸未進士順治初任杭州知
府禁暴安良慕蘇文忠爲政名其齋曰雪堂

湖廣通志

郡有女

尼出入豪貴爲奸每出兩袖籠香時人稱曰香姑正矩廉

其狀翼諸法仕終戶部侍郎

舊志

戈珽山西平陽人康熙四年知杭州府潔已愛民強毅精敏人服其明尤以崇儒重道爲已任與士子講學不倦

舊浙

江通志

張瑞午漢軍鑲藍旗人以蔭授知州康熙九年陞杭州府知府輕徭恤獄禮士愛民遷邵武府知府耿精忠反罵賊不屈死

八旗通志

王樑奉天人以從征耿精忠授杭州知府軍興諸事畢集鎮兵恣睢樑曰我實郡守因不爲救其誰任之察姦治罪豪猾斂迹民有持僞錢者營卒誣以通賊樑白其寃論誣民者如律旗兵強句于市樑執以白將軍卽于軍門痛懲

之上官器其才擢杭嚴分廵道閩師凱旋市肆不擾樛之

力也

顧自俊
見聞錄

馬如龍字見五綏德人舉人任杭州府知府飲冰茹蘗綱紀肅清纂輯府志四十卷一時稱之後擢浙江布政使濟

荒有惠政

公舉
事實

蘇良嗣漢軍正紅旗人任杭州府知府強幹有守飭法者鋤擊之不少貸益民之事悉心興廢杭民懷之勒石湖濱

以志不忘康熙三十五年崇祀名宦祠

八旗
通志

李鐸鐵嶺人知杭州府廉介自守謝絕請屬捐募賑饑修

築江塘訟簡刑清兵民安堵

公舉
事實

張恕可字韋存江蘇丹徒人康熙戊辰進士甲申由戶部
郎出知杭州府清心省事精治簿書丁亥紹興大嵐山叛
獄起無辜牽累者甚衆恕可爲之別白頗獲寬減戊子己
丑旱澇叠罹力請賑卹折漕大甦民困其冬海寧海潮驟
漲沙岸十餘里盡沒直逼隄根恕可疾馳往爲文禱于神
有委身金隄之語翌夕潮退沙岸如故縉紳陳元龍賦詩
紀異癸巳以病乞歸吏民焚香泣送者屬於道行狀
顧濟美號具菴長洲人寬博有雅度知杭州府遇有興造
從容集事未嘗擾民總督李衛倚重之公舉事實
張鎮字東侯山東海豐人雍正間以保舉入仕乾隆壬午

乙酉兩由嘉興調知杭州府是時海寧海塘柴石兼施鎮督修甚力次第工竣而皆以他事罣誤去丙戌

特旨授福建漳州府知府洊陟河南布政使卒於位鎮強幹有爲讞獄無遁情其有罔識輕重自蹈重罪者必平反之曰吾敢紕法減之耶民愚如盲者墮溝中一拯之耳前後在任不及三載而言能吏者推焉

行狀參錢陳羣撰屏風記

邵齊然字闇谷江蘇昭文人乾隆戊辰進士選庶吉士改部郎出知溫州府丙申調任杭州加意南糧倉釐正諸弊讞獄多平反或譏其遲緩嘆曰民命至重豈敢效愎戾者以才幹見長哉性喜文學汲引寒素士論歸之府志不修

者八十餘年齊然議重輯設志局月必再三至與士大夫

從容討論讞具稿本未授梓而卒

公舉事實

習全史同官人順治間任杭州府同知漁臨關奸宄與關
蠹通籍交關噬民全史下車卽爲剖禁諸暨某持兩斷足
訐告不休全史曰此必夜行私竊爲失主所折奈何誣人
某驚服投兩足於江訟遂息以解軍儲至衢勞瘁卒無以

爲殮總督李率泰分俸給之始克歸櫬

舊浙江通志

靳襄字天垣漢軍鑲黃旗人初任杭州府督糧通判剛方
正直不畏強禦巡撫以駐防旗兵驕橫題陞爲理事同知
旗軍多以債息折取小民子女襄悉爲捐俸贖回俾室家

完聚浙閩人文曰盛號舍不足多編席補湊襄修貢院因
爲添設瓦號房千餘士子永賴焉其餘濟貧民掩遺骸禦
火災施丹藥閭郡感德陞南安府知府終天津鹽法道康
熙五十二年崇祀名宦

八旗
通志

多永俄滿洲人官杭州理事同知宅心寬恕莅政和平崇

祀名宦祠

名宦
冊

張肇經漢軍鑲紅旗人任杭州府通判才猷練達剖判明
敏案無留牘民無冤獄一時有神明之頌靖共厥職以勞
卒于官杭人思之康熙四十一年崇祀名宦祠

八旗
通志

張文光字譙明祥符人明崇正戊辰進士順治三年知錢

塘浙閩初平山藪未靖協勦之兵絡繹旁午少不合意則
譚文光撤公座設酒饌首宣

朝廷用兵之意徐及小民困苦之形詳爲開諭多歡飲而去民

賴以安奏最擢吏科給事中

錢塘縣志

何玉如字淡巖洛陽人順治乙未進士知錢塘縣甫三年
凡所爲勸課農桑招集流移興崇學校綏輯樵採無不備
至催科行以撫字聽斷極爲神明錢塘下鄉當苕水下流
而餘杭南湖又以錢塘爲之咽喉南湖一決未底太湖下
鄉先爲巨浸玉如以餘杭苕溪雖他邑事實一郡所當爭
者因請于巡撫范承謨隨檄玉如開濬南湖以太湖承其

委而杭郡均受其利民咸德之又數年陞保定府同知遷

山西大同知府

錢塘縣志

梁允植字承篤真定人由貢生知錢塘縣有幹濟才時杭郡之患惟逃人營債爲最急二者皆不逞之徒爲之勾引允植廉得之乃嚴保甲以察囊橐寄家令自首貰罪營債則專責之勾引之人民乃蘇甲辰閩變總督李之芳移鎮三衢巡按田逢吉督兵城守咸以允植爲才命佐軍興調兵食支應滿漢大兵解餉及火炮鉛彈軍器前後運用船隻計萬有八千餘號夫役不可計數俱由召僱民無怨咨遷袁州府同知題留以同知攝縣事事平擢延平府知府

錢塘
縣志

遲所廣寧人知錢塘縣剛果廉直不畏強禦巨慝倚織造
爲奸強奪民田所擒治之悉反所奪剝盜某善技擊結營
卒爲昆弟民莫敢仰視所以計獲之詰其不法事令悉疏
羣盜姓名且貰若罪某懾伏不敢隱由是境內盜起輒見
獲某既見原復爲盜卒治以法問里以寧秩滿遷同知去

杭人惜之

顧自俊
見聞錄

魏嶠字陟庵南樂人康熙丙戌進士知錢塘縣事下車廉
潔自矢故所取民常例悉蠲之案簿無稽催科弗擾有循
吏風縣志修自前明閱八十年漫漶不可識開館搜輯成

書其所識拔於童子試及分校鄉闈多稱得人時海塘歲修費若不貲羣議欲令民出家財以佐公嶸於上官前力陳不可狀事遂寢戊戌冬自劾去官百姓籲留者數千人巡撫疏請還職堅不起卒年六十有八

盧文弨撰魏嶸墓志銘

李惺字存存永城人知錢塘縣性情敏聰斷無滯退衙輒召諸生課其文藝喜振拔寒素士論歸之

公舉事實

岳鍾淑字天濤武進人武穆後裔順治壬辰進士知仁和縣省會衝疲鍾淑力裁供億積困以甦擢吏部主事陞比部郎假歸鍾淑令仁和日召父老詢之曰長單法善乎曰甚便其稱不便者獨掾役耳往時每比責現年顧現年一

身力不能代伏地受笞花戶逍遙罔問是以長單爲便鍾

淑遂力行之官民皆利

江南通志

石楨字漢青長安人由拔貢授仁和知縣爲政清淨不擾胥吏積弊悉裁以法民戴之如慈母然性剛介不善迎合未三年遂被劾去閩邑爲之罷市旬旬各院司呼籲陳情寃始白去之日囊無一錢民爭醵金助其行尤善論文其所識拔士多登高第士民追慕不已家居三十年始卒

仁和縣志

縣志

丁世淳交城人由貢士知仁和縣天性醇樸不求赫赫名嘗自言曰寧寬母苛細寧徐母躁急寧信無疑善此三者

上可以教君子下可以使小人馴入於善然見義持之必
堅不肯阿諛從人仁和有四板關者歷年爲商賈蠹豪強
者橐其中州縣不能制世淳審知其利害請于臺使者鋤
治之使通商焉一日謂族人曰予今移檄歸矣衆曰撫軍
范公賢者正可騁公才智以甦息民世淳嘆曰惟范公賢
吾可以治衰他人則刀俎子矣安所得屏糧道里費哉卽
日以養親告去

仁和縣志

趙世安字惟康鑲紅旗人知仁和縣強毅多幹畧禁檣蒲
之戲有偵得者雖統絁子弟必重懲之擢興化府同知卒

于官

八旗通志

秦嘉系字公緒京山人順治九年由貢生知海寧發奸摘
伏綱紀肅然先是里中豪右抗賦稅私爲洋盜通囊橐寔
繁有徒嘉系窮其根株剪其羽翼民害始息開浚市河修
學校葺邑乘建義塚清豪佔吏治稱首云

海寧縣志

許三禮字酉山安陽人順治辛丑進士知海寧縣修濬城
隍立社倉建義塾濬四境塘河通漕資溉公私賴之特闢
莊婆堰一帶塘路至石門界以通輓運建正學書院朔望
率紳士講學其中以循卓內擢官至禮部侍郎

海寧縣志

黃承璉字怡庭曲阜人康熙中知海寧縣事性剛明爲政
務振刷革伍保汰門軍始用汛兵革催糧里長行濫單法

又令各鄉鎮置水陸柵以防盜賊重修文廟設立鄉約治

化一新

海寧
州志

唐叔度綿竹人貢生軍功議叙雍正二年知海寧縣才幹
練決獄如流一時呼爲唐青天自康熙辛丑至雍正甲辰
連遇歉歲復遭水災邑中十室九空叔度以民力難支力
請上官奏聞蠲恤後挂吏議罷職士民惜之

海寧
州志

林緒光字鳳溪閩縣人已卯舉鄉貢知海寧縣善治劇一
日能斷決數十事案無留牘遇疑獄剖析如神訟者莫敢
欺遷東海防同知

海寧
州志

金鰲字柱峯夏縣人乾隆二年爲烏程主簿一時有鐵主

簿之謬十六年遷海寧丞屢攝縣篆所至有循聲舉卓異
時浙西被水各縣議賑鰲獨條議以爲散米當照庄戶多
少令誠實里長領散施粥則令每庄富戶各賑本庄庶得
人沾實惠上官下其法於郡縣二十一年陞知海寧縣首
捐修文廟以次訪捕奸宄懲健訟濟民私占沙灘驅治
之紀綱具舉續修邑志以病乞假去童叟無不悵惜

海寧
州志

朱永盛號泰寰城固人授富陽知縣携二僕襆被至官以
清釐宿弊爲已任胥吏憚之堂事畢輒與士民諮訪利弊
令至必行數年間修城隍署解開化城河立永濟渡修恩
波橋築三墩以捍之時山寇未靖以恩惠招徠之納降者

無算審役之期均編有法貧民賴以息肩卒于官邑人爲

衰服三日柩歸白衣冠送者數千人

富陽縣志

牛奐字潛子長冶人拔貢生康熙九年知富陽縣有政績

善于詩文重修縣志自爲序

富陽縣志

趙祿星奉天人官監生康熙十四年知富陽縣明敏才幹
軍需民徭措置悉當鄉設保正以弭盜靖民村落皆安堵

富陽

縣志

胡爾俊字用章江浦人由明經順治六年知餘杭縣性敏
迅饒治才時地方初靖山多伏莽爾俊立法嚴捕治不少
懈大興文教選髦士開館督課風氣蒸變于南湖塘徧種

桃梅望若錦城隄址以固去後士民多思之

餘杭縣志

費國暄字松於無錫人進士順治八年知餘杭縣性溫雅慈愛然持法峻有犯者未嘗少貸閭里豪黠相戒遠避先是邑承明季之亂奸宄嘯聚山藪南北兩鄉有賊首盛貴章賢等聚黨數千白晝焚掠國暄部署丁壯入鄉勢相聯絡凡盜欲有所劫者輒預知之捍禦有備同防將王鼎新相機堵剿搜斬甚衆民始獲安

餘杭縣志

戴祚昇號曙海知臨安縣清廉剛介不受請謁不畏強禦催科撫字各盡其善加意文教月課士每卷必親加評騭時文廟圯捐俸百五十金率衆鼎新蒞任四載士民咸感

其德以姦胥解河工逾期降職閩邑思慕刻像學東以祀

焉

臨安縣志

董承志冀州貢士知臨安縣淳厚溫和不重刑法至山寇

嘯聚力能殲厥渠魁民藉以安

臨安縣志

陸文煥常熟人學優才裕知臨安禮士卹民纂修邑乘至

今賴焉

臨安縣志

陳謙吉廣西舉人單車赴臨安縣任愛民如子時有張某

奪財殺人以向所竊鄭某之傘與祇繫屍陷鄭鄭畏刑自

誣謙吉視鄭係跛足非凶人就獄細詰詢知傘與祇早被

張竊去遂捕張得實抵罪以釋鄭署中只携僕一人日用

外俸餘償補貧戶零星賦欠不積分毫合邑稱爲召父至

今有甘棠之慕焉

臨安縣志

楊楨雲南舉人知臨安縣勤慎清廉歷三載政修事舉署餘杭篆卒臨安士庶至餘杭奔喪者數千人停柩觀音寺

哀泣弔奠數日不已

臨安縣志

徐永明直隸監生知臨安縣清介剛決扶弱鋤強錢糧自封投納完米升斗先收盜竊日稀豪右歛跡署餘杭篆卒

于官

臨安縣志

張淑節號誠齋真定人進士性好文學知臨安縣甫下車卽率紳士重建文廟明倫堂大成坊創立義塾延師以教

士之貧者復捐俸置田七畝零爲東脯又起造長橋買田

二畝以給僧人歷陞湖廣武昌府

臨安縣志

馬日炳奉天人知臨安縣剛介精明燭奸摘伏初邑中蠹胥舞弊已成積習甫下車卽嚴刑懲治咸畏而歛跡士民

德之

臨安縣志

朱輝璘祁門人舉人舉賢良方正知臨安縣撫民寬和接士以禮征賦令民自行投櫃嚴禁銀舖重扣合邑感戴

臨安縣志

縣志

唐世正桂林人舉人知臨安縣政務長厚鎮躁以靜養威以寬不事苛察而政平治理邑有山水陡發歷衝田地無

算戶多帶稅世正面陳當道請以開墾抵補于今爲例民

困以甦

臨安縣志

張桐桐城人舉人年少才敏知臨安縣察訪遍鄉里時糧

長已奉憲革桐力行滾差陋規盡汰御下不假顏色吏胥

股栗退聽撫民寬和待士有禮任四年調平陽

臨安縣志

李元字中三通海人舉人知臨安縣持躬儉約誠懇慈祥

歲值大旱禱雨冒暑驅血而卒士民感泣

臨安縣志

萬錦雯字雲紱宜興人順治乙未進士辛丑知於潛縣才

敏善催徵每期日花戶集堂下悉識其名氏鞭扑不加鮮

逋賦奸猾吏悉斂跡奉法甫半載以原籍誣誤降秩去士

民惜之

於潛縣志

王章字約三錦州人順治八年以鹽副署於潛縣事廉介明察獄無留滯尤勤恤民隱署篆九月治聲翕然民思之不置建祠於學左

於潛縣志

陳大方字漢章雄縣人順治十五年以藩幕署於潛事性清介明斷奸猾屏跡

於潛縣志

林增高字天竺福清人康熙四年餘杭丞八年署於潛縣事實明廉敏潛學將傾議建未果增高至力爲贊成且曰余雖五日京兆願捐俸爲士民倡遂毅然經始規模甚壯

於潛縣志

按縣志云署政例不列王章陳大方林增高此三公者不多見者也特書之以爲後來勸

柯仲實字在中貴池人順治中貢生授浙江新城知縣爲政廉靜革耗羨以勸輸將無催科之役修文廟創義學擢開封同知新城民立祠祀之

江南通志

孫毓珩奉天人康熙二十二年知新城縣絕請托接諸生以禮懲豪右犯法者裁里胥陋規却茶商餽送新文廟設義學士風丕振新城山峻地狹水源易涸乃修復舊堰以備蓄洩永昌鄉向苦旱毓珩相度形勢開渠引水捐俸倡築新堰民因號爲孫公堰西關火毓珩赴市籲天自責火

遂息歲亢旱屏輿從曝赤日中徒步行數十里雨立至衣盡溼因冒寒成疾卒于官民肖像祀之至今昇像禱雨無

不應者

名宦留祀冊

李人龍字光宸深澤人順治三年選授昌化知縣先是昌化陷于寇以檄人帥應壁行縣事人龍至寄署臨安西墅檄諭縣民曰爾等故稱向順爲一時叛寇脅從第能協心遵化他無所恐由是士衆趨附餘賊猶依據山頂人龍親帥兵壯討捕諸受撫者令各歸農業昌化遂安嘗爲民申免寇逋田賦什九行取禮科給事中辛卯典試浙江

昌化縣志

李之賁字穎叔大城人順治六年知昌化縣廉謹惠愛視

民如子值水災民田親行檢踏多所詳賑視學官址誤遂
興議改復如宋制士論至今美之

昌化縣志

虞毓粹字含美東明人進士順治十三年知昌化率先課
士簡刑勸農昌化向取本山木造屋無稅奸民勾連關差
踵門科屋稅輿馬徧邑中造屋數十金稅費且倍徒毓粹
力請兩院永革之民賴以寧令昌化十載陞工部主事

昌化

縣志

季式祖字孚公泰興人貢士以錢塘丞委署昌化事值旱
甚視事三日輟步禱決五旬辰夕懇至革羨餘不染絲毫
詞訟惟溫言勸息復捐俸施藥療貧軫念民艱作禽言以

寓意歷四月受代去縣民依戀如失慈母焉

昌化縣志

劉宗向字次更沔陽人進士康熙五年知昌化縣事視事之始首葺明倫堂譙樓縣治西廊房諸廢立舉明果練達以智馭衆甫朞月卽知吏民險伏狀不淆于涇渭士有學行者優以禮聽斷每與示教訓化爭訐虛誕之辭不得逞善媿人巨室有犯肆醜詆無所顧忌一時豪惡望風遠避曰劉侯在吾毋見也其威服如此先是縣民苦營債月息二逾月日增二歲不翅百倍民至沒產不能償甚者笞繫辱其妻孥并累其戚里宗向以營債歷奉嚴禁其敢爲民患者歇保連結之也遂力杜弊根立究保歇家俾速之去

又營丁藉名采買新茶比年受其害宗向籲詳革絕之及申明賭博越訟諸令人無不股栗懼罪者後卒于官

昌化縣志

蘇滋恢字茂宏餘姚人康熙癸巳進士除杭州府教授飭師範嚴學程分道德仁義四科爲諸生指畫文律一以大家爲法其於寒畯尤曲盡恩禮巡撫朱軾聘主敷文書院講席一時殊尤之士皆出其門郡學故隣駐防營牧馬充斥蹂躪特甚因力請於中丞移咨都統永禁芻牧庠序肅清司教十餘年澄懷善鑒宏獎爲懷非有崇資上位獨能扶掖後進助成聲名而其操行淳實節目分明又彬彬乎質有其文焉

龔鑑撰蘇滋恢傳

余懋楨字舟尹諸暨人雍正庚戌進士任杭州府教授十九年興賢育才諸生中取解首者四人登鼎甲者三人一時人文蔚然稱盛杭府學舊南宋太學石經碑刻咸列左右獨蘇文忠軾表忠觀碑失所在銳意尋求於廢圃中得之

春渚紀聞

趙金簡字玉書晚號赤繡上虞人乾隆己未進士初爲河南通許知縣民愛戴之三年改補杭州府教授凡十八年乃罷爲文清徵醇茂啟迪後進肫然不倦性廉介不受餽遺年至八十餘家徒壁立處之晏如學者稱赤繡先生

城成

撰赤繡先生小傳

孫國珍榜姓臧字仕隆歸安人康熙癸巳舉人雍正間在錢塘教諭孝友績學訓課篤至知名士多出其門有惕崖遺稿子汝馨乾隆丙辰舉人薦舉博學鴻詞流寓於杭著述尤富

孫人龍撰家兼茅應奎纂吳漢詩選

黃敏中嘉興人廩貢爲臨安訓導舊時知縣戴祚昇建理文廟置田畝山地交儒學出息爲歲修之資久爲胥役侵沒敏中卽核實原冊擇近城諸生之誠實者掌之文廟藉以完固

臨安縣志

范長旭字寅瞻秀水人廩貢爲臨安訓導學前應奎門久經坍塌長旭捐俸倡修樓三間顏曰應奎樓文廟及兩廡

明倫堂不時督率修整壽八十無疾而終紳士立位以祀

臨安

縣志

張貞侯原名猴字曾元桐鄉舉人任昌化教諭力學造士
每月以三八日六課諸生給膳饑躬撝管屬文與會士之
尤者互評校爲磨切士風丕振焉尋赴公車道間夢是科
春元張貞而忘其第三字乃更名貞侯及放榜第一人則
張貞生而貞侯亦同登進士後擢安定令

昌化縣志

劉應中字養和井陘人順治拔貢考授餘杭縣丞詳禁陋
規里民悅服嗣委解運荆楚兵餉監造寧波海船如期告
竣以濟軍需陞武昌府同知終辰州府知府

畿輔通志

洪有度字子汪山西人順治十年由吏員授新城尉勤於
職事辛丑三月白頭賊自潞川抵縣劫掠富室有度聞警
出追至母子嶺賊分竄潛匿山谷至夜復前後擁圍有度
奮力禦敵遇害其妻撫棺痛哭不食而死

新城
縣志

杭州府志卷七十九終